

Wednesday, August 6, 2025

Time - 2:30pm - 2:35pm

AKASHVANI AIZAWL

REGIONAL NEWS UNIT

TB MukT Bharat Abhiyan

Larsap General (Rtd) Vijay Kumar Singh-a'n TB natna endikna hmanrua leh enkawlna damdawi tha zawk te a awm chho zel a, hemi hmang hian kumin 2025 chhunga ram puma TB umbo tumna chu a hlawhtling thei a ni a ti.

He thu hi vawiina Raj Bhavan-a TB natna veite hnena damdawi leh eitur tha semchhuahna, TB MukT Bharat Abhiyan Programme hmannaah a sawi a, Larsap chuan TB um bo turin he programme hi a pawimawh hle a ti a, khawvelin kum 2030 ah TB umbo hman a tum laiin, India chuan khawvel aia kum 5 a hma, kumin 2025 ah umbo a tum a, hemi tihlawhtling tur hian theihtawp chhuah a ngaih rualin hmasawna hmuh chhoh zel a ni a ti a. TB natna endikna hmanrua leh enkawlna damdawi tha zawk te a awm chho zel a, hemi hmang hian kumin 2025 chhunga ram puma TB umbo tumna chu a hlawhtling thei a ni a ti.

Byte: Governor

Health Minister Pi Lalrinpuii pawhin he hunah hian thusawiin, India sorkar chuan kumin 2025-ah chuan ram pumah TB umbo vek tumin hma a la mek a ti a, Mizo khawtlang chu inhnaih taka cheng ho an nih avangin TB leh boruak atanga natna inkaichhawn theih, airborne disease hrang hrang inkaichhawn a awl bik hle a ti a, hetihual hian Mizoram chhunga damdawi in hrang hrangte chu TB natna neite enkawl thei turin tih changtlun mek zel a ni a ti a, sorkar chuan TB damlote chu theihtawpin a enkawl a, a thlawnin damdawi man a pe vek a, thla tin eitur tha leina tur sang 1 a pe thin bawk tih sawiin, TB natna neite chu thuawiha tha taka damdawi ei thin turin a chah a ni.



ADVISER TO CM

Advisor to CM (Finance) Pu TBC Vanlalvenchhunga'n Mizoram chak lakluhna kawng chhia ah ZPM chuan mawhphurhna la in, siamthat a nih theih nan theihtawp a chhuah mek a, kumdangah chuan hetiang hi a thlen tawh loh an beisei tih a sawi.

Akashvani Aizawl zawhna chhangin, Advisor to CM (Finance) leh Aizawl West I Bialtu MLA Pu TBC Vanlalvenchhunga chuan Kawngchhiat chhan chu mawhphurhna inchuh vang a ni tih mipuiten an hre tlang vek tawh a ti a. Kawngchhia chu Mizoram in a tawrh tak avangin Mizoram sorkar chuan a enkawl kawng ni tawh lo mahse theihtawpin hma a la a, Chief Minister Pu Lalduhoma pawhin a siamthat theih nan sum a sanction a, PWD Minister hovin a department chuan a hmunah an riahchilh a, siam tha turin theihtawp an chhuah mek a ti a. Lirthei Ke 14/16 tih loh

chu lirthei tang an awm mumal lova, harsatna lian tak a awm tawh lo an beisei tih a sawi.

Pu TBC a chuan lirtheia eizawngten sorkar an thawhpui tha a, kawng siam a nih theih nan lirthei tlan loh an remti chu lawmawm a tih thu a sawi a, lirthei tlan chawlh chhung hian kawng chu tha taka siam hman a nih a beisei tih sawiin, ZPM chuan mipui tan theihtawp a chhuah a, mawhpurhna pawh midanga beng per lovin, siamthat a nih theih nan theihtawpin a contractor te a thawhpui mek a, kumdangah chuan hetiang hi a thlen tawh loh an beisei tih a sawi.

Zawhna chhangin Pu TBC-a chuan thal lain kawng siam lo tawp an ni lo a ti a, kumin January thla ah NHIDCL enkawl tura tih ni mah se kawng an siam nghal loh avangin Mizoram sorkar chuan theihtawpin a thawm tha a, tuna lirthei tanna lai ber Mega Footpath pheih chu an metal vek a, duhthu a sam lo deuh a, Fur a lo thlenin bungraw rit tak tak phur lirthei lo lut te chu kawng chuan a dawl zo lo a ti a, tunah cheng vbc 50 in an sub-contract a engemawchen chu an siamthat theih tawh a beisei tih a sawi.

Byte: TBC Lalvenchhunga

Hetihlai hian Eptu Party ten ZPM kaihruai sorkar inthlahdah avanga Mizoram chak laklunna kawngpui chhia chu Mizoram ei leh bar zawinna kawngah a pawh hle a, thla 7 chhungin GST pawh a tlahniam zawngin a la kal char char tih an sawi.

Akashvani News Aizawl zawhna chhangin MNF Vice Chairman, Publicity Board MNF J Malsawmzuala Vanchhawng chuan tuna kawng chhe zual, lirthei tam tak a tan vanga mipuiin harsatna namen lo an tawhna chhan lian ber Kawnpui-New Khamrang chu nikum lamah pawh mipuiten nasa taka an tawrh chhan a lo ni tawh tih a sawi bawk.

Congress Treasurer Dr Lalmalsawma Nghaka pawhin tunlai kawngchhia chu sumdawngte bakah lirtheia eizawng leh mipui nawlpuiin an tuar tawh hle a ti a. Mizoram sorkar chuan thal lai khan kawngpui pawimawh chu ngaihtuah ni se tun ang hian kan buai a rin lo thu a sawi a ni.



ENERGY CONSERVATION DRIVE

Govt. Zirtiri Residential Science College chuan nimin khan Energy renchem inzirtirna, Energy Conservation Drive an buatsaih.

Durtlang Leitan Govt. Zirtiri Residential Science College Campus-a Energy Conservation Drive hi Eco-Club in an buatsaih a ni a. Principal, Dr. Zirliangnura chuan, Energy renchem a tulzia leh Energy hman tlem tura thil pawimawh hrang hrang a sawi a ni.

Inkhawm hi Asst. Prof. Dr. Lalsaimawia Sailo-in a kaihrui a, zirlaite chuan Energy renchem turin thutiam an sawi rual a ni.



PM MODI

Prime Minister Narendra Modi chuan vawiin khan New Delhi ah Kartavya Bhavan-3 a hawng. Hemi pual hian vantlang inhmuhkhawmna ah thu a sawi dawn a ni. Kartavya Bhavan -3 hi common central secretariat bulding awm tur engemawzat zing a a hmasa ber a nih thu a sawi.



PRESIDENT

President Droupadi Murmu chuan India leh Philippines thawhdunna chuan ram 2 te tan hlawkna mai bakah remna leh muanna thlen tu anih thu a sawi. Philippines President Marcos Jr tan a chawhlui a buatsaih ah President chuan ram 2 te thawndunna chuan kawng hrang hrang in hmasawmna a thlen dawn a ni a ti.

